

Ammasumik ataatsimiinnermi oqaluuserisassat:

Imm. 01 Oqaluuserisassat akuersissutigineri

Paasissutissiissutit

Imm. 02 Sisimiuni Umiarsualiviup allilerneqarnissaa pillugu Maniitsumit Sisimiuniillu isumaqataallutik akerliullutillu atsiortitersimanerat pillugu paasissutissiissut

Aningaasaqarnermut tunngasut

Imm. 03 2011-mi selskabet akileraarutaat 2011 – immikkut aningaasaliinissaq.

Imm. 04 Sisimiuni inatsisitigut pisussaaffik tunngavigalugu suliffissarsiortunut ikiorsiissutitut atatillugu aningaasanik nuutitsinissamik aammalu tapiliussatut aningaasaliissutissanik qinnuteqaat.

Suliassat nalinginnaasut

Imm. 05 Kommunimi pilersaarummut nr. 43-mut tapiliussassaq, Umiarsualivimmut aqqutissat.

Imm. 06 Kommunimi pilersaarummut nr. 44-mut tapiliussassaq, Minngortuunnguup Atuarfiata allanngortiternera.

Imm. 07 Ukiumut pisassiivimmut 1.1.2012-31.12.2012-mut qilalukkat qaqortat 36-t aammalu qilalukkat qernertat 4-t pisassiissutissatut siunnersuutigineqarput.

Imm. 08 Inuussutissarsiutigalugu piniarnermut allagartat pillugit nalunaarutip nutarterneqarnerata tusarniutigineqarnera

Imm. 09 Aningaasaqarnermut ataatsimiititaliap kommunalbestyrelsillu 2012-imi ataatsimiiffissaannut siunnersuut.

Imm. 10 Tamalaat.

Ataatsimiinneq aallartippoq nal.

Peqataasut:

Atassut

Inuit Ataqtigiit

Siumut

Nalunaaruteqarlutik peqataannngitsut:

Nalunaaruteqaratik peqataannngitsut

Imm. 01 Oqaluuserisassat akuersissutigineri

Aalajangiineq

Imm. 02 Sisimiuni Umiarsualiviup allilerneqarnissaa pillugu Maniitsumit Sisimiuniillu isumaqataallutik akerliullutillu atsiortitersimanerat pillugu paasissutissiissut

Journalnr.

Tunuliaqutaq

Sisimiut Umiarsualiviata allilerneqarnissaa pillugu Kommunalbestyrelsip 2011-mi oktobarip 28-ani aalajangiineranut, Maniitsumi nunaqarfiinilu akerliullutik atsiorsimasaat 2011-mi novembarip arfineq-pingajuani Qeqqata Kommuniata tiguai. Umiarsualiviup allilerneqarnissaa pillugu Sisimiuni innuttaasut isumaqataallutik, Maniitsormiullu akerliliissuteqarnerinut isumaqataanut atsiorsimasaat Qeqqata Kommuniata 2011-mi novembarip 16-iani aamma tiguai.

Maniitsumit nunaqarfiinillu quppernerit sisamat 234-nik atsiornertallit tiguneqarput. Atsiortiterineq ima qulequtserneqarsimavoq: "INNUTTAASUNIK ATSIORTISINEQ – Kommunalbestyrelseip Sisimiuni talittarfiup tillinissaa aaliangiuppaat naleqartoq 56 millioner kr-nik. Tamanna Qeqqata Kommuniani innuttaasut qulaatiinnarlugit aaliangiineq akuerinagu atsiorpunga. Ilisimatissutigissavara atsiorusuttorpasugallut atisunngimmata. In.In. S.J.". Maniitsumit nassitsisup aqqa allakatigut nalunaarutigineqanngilaq.

Sisimiunit quppernerit 13-it 437-nik atsiornertallit tiguneqarput. Atsiortiterineq ima qulequtserneqarsimavoq: "Maniitsormiut akueriinnassavagut? – Kommuuneru-jussuanngorattali Maniitsormiut akileraarutaat annikillisisitaanikuvoq. Maniitsormiut sanaartornerup tungaanut inerisaaffigitinnikuupput. Meeqquerivinnut akiliisarnerat annikillisaaffigitinnikuupput. Uagut maani Sisimiuni najugaqartugut aperineqaqqaarnikuunerluta Maniitsormiut taamatut aningaasalersornissaannut? Massakkut Qeqqata Kommuneata skatimut akiliisarnerput 1%-mik qaffanniarpa Sisimiuni ineriartortitsiniarneq anguniarlugu. Tassa uagut pisussanngoratta naammagittaalliutaat oqartussaaqataanerup iluani akueriinnassavarput? Maniitsormiut illuatungilerniarukkit atsiortit!" Sisimiunit nassitsisup aqqa allakatigut nalunaarutigineqanngilaq.

Allakkat tiguneqartut tunuliaqutaralugit Qeqqata Kommunian matumuuna naatsumik nassuiaateqasaaq.

Maleruagassatigut tunngavissat

Qeqqata Kommuniani karseqarnermut naatsorsuuserinermullu malittarisassat.

Pissutsit atuuttut

Kommunalbestyrelsip 2011-mi septembarip 29-ani ataatsimiinnermini eqqartorpaa, Sisimiuni Umiarsualiviup allilerneqarnissaanut aningaasaliissuteqartoqarnissaa pisariaqartoq, soorluttaq 2012-imut missingersuutit ukiunullu 2013-imit 2015 tikillugu missiliuuteqarfiusut siullermeerneqarnerini Kommunalbestyrelsip tamarmiusup akuersissutigalugit. Taamatuttaaq 2012-imut missingersuutit ukiunullu 2013-imit 2015 tikillugu missiliuuteqarfiusut aappassaaneerneqarmata, matumani Sisimiuni Umiarsualiviup allilerneqarnissaa ilanngullugu Kommunalbestyrelsip tamarmiusup akuersissutigaa.



Sisimiui Umiarsualiviup allilernerqarnissaa – sooruna?:

Pajuttaatit, kilisaatit, umiarsuit takornariartaatit uuliamillu pajuttaatit aalisartut talittarfianut aamma talissinnaqqullugit, talittarfiup allilernerqarnissaa kommunip 1992-imit 2005 tikillugu pilersaaruisorfigineqarnerani ilaatinneqareerpoq. 2005-imi umiarsuit takornariartaatsit amerlaqisut Sisimiunut tikipput, ajoraluartumilli umiarsualivimmi inissaalatsineq patsisaalluni umiarsuit takornariartaaterpaaluit Sisimiuni nioqqutissarsiniartussaagalugit talinnissaannut itigartinneqartariaqartarput.

2005-ip kingorna umiarsualivimmi inissaalatsineq patsisaalluni kilisaatit Nunatsinneersut aamma Nunatta avataaneersut akulikilligaluttuinnartumik itigartinneqartariaqartarput, tamannalu ilaatigut Nunatsinnit kilisaatit Sisimiuni usingiartissinnaanginnertik pillugu illoqarfinnut allanut usingiartikkiartortarnerini angalaneri akisunerulersarput, ilaatigullu Nunatta avataanit umiarsuit nunanut allanut talikkiartortariaqartarlutik.

Cairn Energy-p Aasiaat Umiarsualivia pingaarnertut atorlugu Sisimiut Umiarsualivia sillimmatit atorniaraluaramiuk, Sisimiuni Umiarsualivimmi inissaalatsineq patsisaalluni 2010-mi tunuaannarluni Nuuk atulerpaa.

2011-p upernaani Husky Energy-p nalunaarutigaa, 2013-imi Sisimiut avataani uuliasiorlutillu gassisiorniarlutik, Sisimiunili Umiarsualivimmi inissaalatsineq patsisaalluni pitsaasumik qillerinertik ingerlassinnaassanerlugu ernumassutigalugu.

Sisimiuni Umiarsualiviup allilernerqarnissaanut aningaasaliissutit

Kommunalbestyrelsi tamarmiulluni aalajangernikuuaa, pilersaarummut katillugit 56,6 mio. koruunit aningaasaliissutigalugit 2012-imi 26,5 mio. koruuninik, 2013-imilu 30,0 mio. koruuninik konto 72-99-imut aningaasaliissuteqartoqassasoq.

Umiarsualiviup allilernerqarnissaa aningaasalersorumallugu kommunimi akileraarut 25 procentimit 26 procentimut qaffanneqarpoq, akileraarutillu qaffanneqarneratigut kommunip karsianut nakkartussat ukiumut 11,4 mio. koruuninik qaffassallutik. Umiarsualiviup allilernerqarnissaanut atatillugu Qeqqata Kommuniata naatsorsuutigaa, sanaartornissami suliassaq taanna aqqutigalugu sanaartornerup nalaani ilaatigut akileraarutitigut isertitassat qaffassasut, ilaatigut pisortat ikiorsiissutigisartagaannut suliffeqanngikkallarnermilu ikiorsiissutaasartunut annikillisaataassasoq. Tamatuma saniatigut 2013-imi siunissamilu umiarsualiviup attartortinneqartarnissaani ukiumut 6,0 mio. koruunit isertinneqartassasut naatsorsuutigineqarpoq.

Sisimiuni Umiarsualiviup allilernerqarnissaa pillugu paasissutissiissut

Sisimiuni Umiarsualiviup allilernerqarnissaa pillugu innuttaasut qaangiataaginnarlugit aalajangiisoqanngitsoq Kommunalbestyrelsi ilisimatissallugu pingaaruteqarpoq. Eqqaamaneqassaaq taamani 2010-mi Qeqqata Kommuniani Periusissat Maniitsumi, Sisimiuni nunaqarfinnilu innuttaasunik ataatsimiisitsinikkut tusarniutigineqarmata nalunaarutigineqarmat, Sisimiuni Umiarsualiviup allilernerqarnissaanik pisariaqaqisup siunissami qaninnerusumi aningaasaliiffigineqarnissaa pinngitsoorneqarsinnaanngitsoq.

Sisimiut Umiarsualiviata allilerneqarnissaa pillugu Sisimiut Tusaataat Akisuasullu suleqatigiinnermikkut 2011-mi novembarip 16-iani toqqaannartumik aallakaatitsinerini Aningaasaqarnermut ataatsimiititaliamut ilaasortat peqataapput. Politikkikkut aalajangiisimaneq, suleriarnissaq qanoq issaner-soq kiisalu Sisimiuni Umiarsualiviup allilerneqarnissaani piffissaliussaasoq toqqaannartumik aallakaatitsinerimi Kommunalbestyrelsi sinnerlugu Aningaasaqarnermut ataatsimiititaliaq nassuiaateqarpoq. Siunissami assersuutigalugu qaammatikkaartumik akulikinnerusumilluunniit radio-kkulluunniit pitsaannerusumik innuttaasunut paasisitsiniuteqartoqartassasoq pingaartinneqarpoq.

Aningaasaqarnikkut allaffissornikkullu kingunerisinnaasai
Soqanngilaq.

Allaffeqarfiup naliliinera

Assersuutigalugu tusagassiutitigut, nalinginnaasumillu nittartakkakkut annerusumik innuttaasunut paasisitsiniaasoqartarnissaanik aningaasaqarnermut ataatsimiititaliap isummersuutaanut allaffeqarfik isumaqataavoq. Allaffeqarfik siunissami sulinermini innuttaasut akuutinnerulerniarpai.

Innersuussut

Kommunalbestyrelsimut innersuussutigineqassaaq, paasisutissiissut tusaatissatut tiguneqassasoq.

Aalajangiineq

Ilanngussat

1. Maniitsormiunit atsiortiternerit
2. Sisimiormiunit atsiortiternerit

Imm. 03 2011-mi selskabet akileraarutaat 2011 – immikkut aningaasaliinissaq

Journalnr. 06.04.01

Tunuliaqutaq

2011-mi selskabet akileraarutaat naatsorsuutigineqarpoq 7,5 mio. koruuniniissasoq, aningaasaliisu-taasunit 4 mio. koruuniniit. Selskabet akileraaruteqarnerussutaata kinguneranik 3,5 mio. koruuninik immikkut aningaasaliissuteqartoqarnissaanik qinnuteqartoqarpoq.

Maleruagassatigut tunngavissaq

Karseqarnermut naatsorsuuserinermullu malittarisassat.

Pissutsit atuuttut

Akilaartarnermut Aqutsisoqarfiup novembarip naanerani 2011-mi nalunaarutigivaa, selskabet akileraarutaasigut kommuni 7,5 mio. koruuninik pissarsiaqarnissaa naatsorsuutigalugu.

Aningaasaqarnikkut allaffissornikkullu kingunerisinnaasai

Selskabet akileraarutaannut kontomi (81-01-00-90-01) 2011-mut -4,0 mio. koruunit aningaasaliis-sutaapput. Akilaartarnermut Aqutsisoqarfiup nalunaaruteqarneratigut naatsorsuutigineqarluni kommuni selskabet 2011-mi akileraarutaannit 7,5 mio. koruuninik pissarsiasaqassasoq. Tamaalilluni aningaasaliissutaasuniit 3,5 mio. koruuniusuniit isertitaqartoqarnerussalluni.

Qullersaqarfiup oqaaseqaataa

Immikkut oqaaseqaatitassaqanngilaq.

Allaffeqarfiup naliliinera

Akilaartarnermut Aqutsisoqarfiup nalunaaruteqarnera kinguneranik allaffeqarfik naliliivoq, 2011-mi selskabet akileraarutaasigut isertitaqarnerunissami konto 81-01-00-90-01-mut immikkut 3,5 koruuninik aningaasaliissuteqartoqarnissaanik qinnuteqartoqassasoq.

Aningaasaqarnermut ataatsimiititaliami suliap sularinera

Aningaasaqarnermut ataatsimiititaliap decembarip 2-ani 2011-mi ataatsimiinnermini suliaq sularivaa.

Innersuussut

Kommunalbestyrelsimut akuereqqullugu innersuussutigineqassaaq,

2011-mi missingersuutini immikkut isertitassatut konto 81-01-00-90-01-mut 3,5 mio. koruuninik aningaasaliissuteqartoqassasoq

Aalajangiineq

Ilanngussaq

Ilanngussaqanngilaq.

Imm. 04 Sisimiuni inatsisitigut pisussaaffik tunngavigalugu suliffissarsiortunut ikiorsiissutitut atattillugu aningaasanik nuutitsinissamik aammalu tapiliussatut aningaasaliissutissanik qinnuteqaat

Journalnr. 06.02.04

Malittarisassaq tunngaviusog

Inatsisartut peqqussutaat nr. 2, majip 31-iani 1999-imeersoq, inuussutissarsiutitigut ilinniagaqarneq aammalu inuussutissarsiutitigut ilinniagaqarnermi pikkorissarnerit pillugit. Namminersorlutik Oqartussat aammalu Sisimiut Kommunep isumaqatigiissutaa apriliip 1-iani, 2006-iminngaanneersoq, Piareersarfimmik pilersitsiniarneq aammalu ingerlatsiniarneq pillugu. Inatsisartut inatsisaat nr. 14, december 5-iani, 2008-meersoq.

Tunuliaqut

Sisimiuni immikkut ittumik fabrikkimik matusineq, qaammatini januaarimiit apriliimut, saniatigullu nalinginnaasumik suliffissaaleqinerup annertusinera pequtugalugit, pisariaqartitsineqarpoq suliffissaaleqisunut ikiorsiissutitut amerlanerusunik aningaasaliinissaq.

Pissutsit piviusut

Ataatungaani saqqummiunneqarput suliffissarsiortunut ikiorsiissutitut atuinerit allattorsimanerat. Mianersuuttumik missiliuussineq tunngavigalugu pisariaqassaaq kontop 1 mio. kr-ninik aningaasaliiffiqineqarnissaa, suliffissaaleqinerup pissutsit atuuuttut maliinnassappagit.

Suliffissaaleqisunut ikiorsiissutitut 16-11-2011 killigalugu kontomi 38-02-10-miittut:

	Suliffissaaleqisunut Ikiorsiissutitut	Aningaasaliissut	Atuineq	Atuineq %- inngorlugu
38.02.10	Sisimiut	6.385	6.829	107 %
38.02.30	Kangerlussuaq	211	180	85 %
38.02.40	Sarfannguaq	135	204	151 %
38.02.50	Itilleq	290	114	40 %
	Katillugit	7.021	7.329	104 %

Piareersarfiit Sisimiuni aamma Maniitsumi peqatigiillutik imminermi immikkoortortaarfimminni aningaasanik nuutitsinissamut siunnersuut una nassaarisimavaat:

Aningaasanik nuutitsinissamik siunnersuut

Missingersuusiat 2011

Kontop normua	Kontop atia	Missingersuusiamik naqqiineq	Tapiliussatut aningaasaliineq	Aningaasaliissutit nutaat
38.02.10.30.12	Sisimiuni suliffeqanngikkallarnermi pisartakkat	4.915.000	+ 975.000,-	5.890.000,-
38.02.40.30.12	Sarfannguani suliffeqanngikkallarnermi pisartakkat	- 95.000,-	+ 150.000,-	245.000,-
38.02.50.30.12	Itillimi suliffeqanngikkallarnermi pisartakkat	270.000,-	- 125.000,-	145.000,-
38.01.10.82.01	Tapiissut Sisimiut	- 1.797.000,-	- 264.000,-	- 2.256.000,-
38-01-22-25-00	Ineqarnermut akiliut	106.000,-	- 106.000,-	0,-
38-01-22-12-00	Takornartat kiffartuussinerannut ikiorsiissutitut	71.000,-	- 50.000,-	21.000,-



38-01-22-21-40	Kiassarneq sinneri pisiortorfusut	153.000,-	- 50.000,-	103.000,-
38-01-60-15-00	Nioqutissanik pisiortorneq	21.000,-	- 10.000,-	11.000,-
38-01-60-20-00	Pissarsiat aammalu pigisat	27.000,-	- 20.000,-	7.000,-
	Tapiliussatut aningaasaliissutit	Karsip imarisai	- 500.000,-	
	Katillugit		0,-	

Aningaasaqarnikkut aammalu allaffeqarnikkut kingunissai

Missingersuutininik allanngortiterineq aningaasartuutitaqassanngilaq, tassa aningaasaliinerit kontonit immikoortup iluani ittunit pissammata.

Tapiliussatut aningaasaliissutissanik 500.000,- koruuninik pisariaqartitsineqarpoq, karsip imarisaanit aningaasaliissutigineqartussanik.

Allaffeqarfiup saqqummiussai

Suliffissaaleqisunut ikiorsiissutit inatsisitigut piumasaaqaatit naapertorlugit ikiorsissutaapput, taamaattumillu periarfissaqanngilaq suliffissaaleqisunut ikiorsiissutininik immikkoortup iluani immini sipaaruteqassalluni. Ukiumi 2011-mi immikkoortumut 2,07 mio. tapiliutigineqareerput suliassaqaartitsinermik anguniagaqaartut iliuitsit Sisimiuniittut tamaasa matunerisigut aammalu Piareersarfiup atuarfeqarnerata iluani sipaarutinik aallernertigut, Sisimiuni aammalu Maniitsumi. Taamaakkaluartoq paasissutissiissutigineqassaaq, Sisimiuni kollegiaqarnerup iluani siunissami aningaasaliisariaqarsinnaanera, tassa aningaasartuutit kallerup inneranut aamma kiassarnermut 2011-mi annertuumik qaffariarnikuummata.

Aamma imaalluarsinnaavoq, uagut aningaasanik nuutsiterisuusugut kontotsinni maannakkut aallerfigisatsinni siunissami amigaateqalersinnaanerput, missingersueqqissaarnerit ajornakusoormata.

Inuussutissarsiutinut Suliffissaqaartitsiniarnermullu ataatsimiititaliami suliap sularinera

Inuussutissarsiutinut Suliffissaqaartitsiniarnermullu ataatsimiititaliap novembarip 30-ani 2011-mi ataatsimiinnermini suliaq sularissavaa.

Inuussutissarsiutinut Suliffissaqaartitsiniarnermullu Ataatsimiititaliap siunnersuutaa

Inuussutissarsiutinut Suliffissaqaartitsiniarnermullu Ataatsimiititaliap suliassaqaq aningaqaarnermut ataatsimiititaliamut aammalu kommunalbestyrelsimut ingerlateqqipaa siunnersuutigalugu:

- Aningaasanik 0,5 mio. koruuninik nuutiteriniarnermut akuersaassasut aammalu qinnuteqaateqassasut tapiliussatut aningaasaliissummik 0,5 mio. koruuninik aningaasaqarnikkut ukiumi 2011-mi.

Aningaasaqarnermut ataatsimiititaliami suliap sularinera

Aningaasaqarnermut ataatsimiititaliap decembarip 2-ani 2011-mi ataatsimiinnermini suliaq sularivaa.

Innersuussut

Kommunalbestyrelsimut akuereqqullugu innersuussutigineqassaaq,

2011-mi missingersuutini 0,5 mio. koruuninik immikkut aningaasaliissuteqartoqassasoq

Aalajangiussaq

Ilanngussaq

Ilanngussaqanngilaq



Imm. 05 Kommunimi pilersaarummut nr. 43-mut tapiliussassaq, Umiarsualivimmut aqqutissat

Journalnr. 16.03.01

Tunuliaqutaq

Kommunimi pilersaarummut tapiliussassaq, aqquuserngit J. M. Jensenip aqquuserngata Sallinguanilu Aalisakkerivimmut talittarfiup akornanni angallanerup allanngortinniarnernanut atatillugu pilersaarutaasutut sukumiisumik pilersaarusiaavoq, taamalu angallassissutit oqimaatsut patajaatsumik aqqutissaqaleqqullugit pisinnaallu aqquataat qularnaallisarniarlugu.

Aalisakkerivimmut talittarfiup allilernissaani sanaartornermut atatillugu pilersaarutip iluarsiiiffiunissaa pisariaqarsimavoq, tamatumalu malitsigisaanik containerit 40 fodsit umiarsualiviit akornanni angallanneqartalernissaat eqqarsaatigalugu.

Taamaattumik umiarsualiviup allilernissaanik pilersaarummut pilersaarut atasorujussuuvoq, taamalu sanaartornissap 01.05.2012-imi aallartinnnginnissaani inaarutaasumik akuerineqartariaqarluni.

Maleruagassatigut tunngavissaq

Pilersaarusionerq aamma nunaminertat atorineqartarnerat pillugit Inatsisartut inatsisissaat nr. 17, 17. november 2010-imeersoq.

Pissutsit atuuttut

Sukumiisumik pilersaarusiame aqqusinissaq 9 meteritut silitsigisussatut inissitaavoq, biilnik angallavissartaa 7 meteriussalluni aqqusernissallu illuatungaaitigut 2,5 meteritullu silitsigisamik pisinarnanut ingerlaffissaqassalluni. J. M. Jensenip aqquataaniit anillagaa, T-krydsit kaajallarissatulluunniit ilusilerneqarsinnaavoq, pilersaarusiame takuneqarsinnaasutut. Periarfissat arlariillugit periarfissat qulakkeerniarlugit, nunaminertamik pisariaqartitsiviuffiunersaa kaajallarissatut aqqiinnissaq toqqammavigalugu nunaminertaq aqqitaalluni.

Pilersaarummi angallaffissaq qularnaatsutinniarnarlugu umiarsualiviup iluatungaani tinititsisarfiup immersorsinnaanissaa periarfissaliussaavoq, taamalilluni containerit 40 fodsit marluk sangorissami imminnut saneqqussinnaalerlugit. Taamatut allannginerup kingunerissavaa, tininnerup nalaani tamatumani angallatinik minnerusunik tinutitsisinnaajunnaarnissaq.

Taamatuttaaq aamma kangerluliartaata ikaarsinnaanissaani ruujoriliisoqarsinnaanissaa ilanngullugu suliami eqqarsaatersuutaalluni, tassa ikaartarfik Immikkoortortami pilersaarusiame B01-mi pineqartoq qimallugu.

Sukumiisumik pilersaarusiame immikkoortortami pilersaarusiaasimasumi B01-mi killiliussaasimasut atuutsiinnarniarneqarput, taamaalilluni pineqartut iimmiinikkut atorsinnaanarlugit.

Taamaattorli umiarsualiviup allinissaanik pilersaarusionerme toqqarneqarsimalluni, taamaallaat iliveqarfitoqqamut aqqusinniinissamut pisinnullu aqqusiniliinissamut atatillugu Paraarsuk, kiisalu aqqusinissap kitaatungaani nunaminertat annikitsualuit immerlugit, taamalu umiatsiaaqqanut puttasuliilluni Qajaq eqqaatigut, qaannamik il.il. takutitsinerni isiginnaarfusinnaasunut pitsanngor-saatit. Taamatut immersugassat titartakkatut ilanngussami takuneqarsinnaapput.



Pilersaarusiame takornarissat umiarsualivimmiit illoqarfimmukartut, tassa takornarissat umiarsuaasa Imapik ikaarlugu imaluunniit Aalisakkerivimmut talittarfimmu talissimagaluarpata, toqqissillutik ingerlavissaqalernissaat eqqarsaataavoq.

Aningaasaqarnikkut allaffissornikkullu kingunerisinnaasai

Aqquserngup allanngortinnerani aningaasatigut malitsigisinnaasai, aqquserngup qanoq aaqqinissaa toqqarneqareerpat aatsaat inaarutaasumik naatsorsorneqarsinnaalissapput. Naatsorsuutigineqarporli, umiarsualivimmik allilerinermi immersuinissat sanaartornermut atasumik ingerlanneqassasut, inaarutaasumillu iluarsartuussinissat aqquserngullu naammaasinissaa kingusinnerusukku sanaartornermut aningaasaliissuteqarnikkut ingerlanneqarumaartut, taakkulu qinnuteqaatigineqassallutik aqquserngup allanngortinnissaa sukumiisumik suliarineqareeriparpat.

Qullersaqarfiup oqaaseqaataa

Immikkut oqaaseqaatitassaqaanngilaq.

Allaffeqarfiup naliliinera

Allaffeqarfik naliliivoq, umiarsualivimmi periarfissat pilersaarusiakku naammaginartumik toqqammavissaqalersut, taamalu umiarsualivimmi periarfissat assigiinngitsut eqaannerusumik atorneqarsinnaalissallutik, tamatumani Kangerluarsuup sinaani pitsaanerusumik ilitsivissaqalernissaq ilanngullugu.

Aqquserngup allanngortiternissaanut pilersaarutit sukumiisumik 2012-imi ingerlanneqassapput, tassa siusinnerpaamik 2013-mi aqquserngup naammassinissaa pisinnaammat.

Aningaasaqarnermut ataatsimiititaliami suliap suliarinera

Aningaasaqarnermut ataatsimiititaliap decembarip 2-ani 2011-mi ataatsimiinnermini suliaq suliarivaa.

Innersuussut

Aningaasaqarnermut ataatsimiititaliap kommunalbestyrelsimut innersuussutigissavaa, kommunimi pilersaarummut nr. 43 tapiliussaq "Umiarsulivimmut aqutissat" sap.ak. arfinilinni tamanut saqqummiunneqarnissaa akuerineqassasoq.

Aalajangiineq

Ilanngussaq

1. Kommunimi pilersaarummut 43 tapiliussaq titartagartaa ilanngullugu.

Imm. 06 Kommunimi pilersaarummut nr. 44-mut tapiliussassaq, Minngortuunnguup Atuarfiata allanngortiternera

Journalnr. 16.03.01

Tunuliaqutaq

Kommunimi pilersaarummut tapiliussassaq suliarineqarpoq, Minngortuunnguup atuarfia ataatsimoortunngorlugu pingasunik quleriinngorlugu allanngortiternissaa toqqammavissaqartinniarlugu.

Maleruagassatigut tunngasvissaq

Pilersaarusionerq aamma nunaminertat atorneqartarnerat pillugit Inatsisartut inatsisissaat nr. 17, 17. november 2010-imeersoq.

Pissutsit atuuttut

Atuarfik atuuttoq, immikkoortukkaarlugu quleriinnut ataatsimut marlunnullu sanaartugaanikuuvoq, taamalu inissarujussuarmik tigusinikuulluni. Illutai imminnut ataqatigiinngitsunik aqqissuutaallutik, gaanngitaalu takisuujullutik.

Nutaamik atuarfiliassap illutassaa pingasunik quleriijussaaq naqqullu ateqarluni, taamalu eqimat-tanngorlugu atuarfiliassalluni, atuarfimmi susassaqarfiit imminnut atasunngorlugit, aammalu ilinniartitsisutut atuartutulluunniit timikkut innarluuteqaraluaaraanni tikikkuminartunngorlugit.

Atuarfiup isaariassaa Guutaap aqqusernganiit periarfeqassaaq, sulili aamma Mannarsip aqqusernganiit isertarfeqassalluni, tamaanilu biilnut uninngasarfeqarfissaaqqissoqarluni.

Nutaamik atuarfimmi susassanut aqqissuussinissakkut, illorsuup kangiani ammasumik nunatartaqangaatsiassaaq, aneersissaqillunilu pinnguarterfeqarfiusinnaasumik.

Aningaasaqarnikkut allaffissornikkullu kingunerisinnaasai

Sanaartornissamut pilersaarusionermermi aningaasanut tunngasortai aqqitaareerput.

Qullersaqarfiup oqaaseqaatai

Immikkut oqaaseqaatitassaqanngilaq.

Allafeqarfiup naliliinera

Allafeqarfik naliliivoq, atuarfik nutaassaq illoqarfiup qeqqani inissimareerfimmini iluarinartumik inissitaassaaq, timersortarfimmut qanittumiilluni, aammalu illutaasa portunerulersinnerisigut ataatsimoornerulersinnerisigullu atuarfiup eqqaani inissaqarnerulissalluni.

Aningaasaqarnermut ataatsimiititaliami suliap suliarinera

Aningaasaqarnermut ataatsimiititaliap decembarip 2-ani 2011-mi ataatsimiinnermini suliaq suliarivaa.

Innersuussut

Aningaasaqarnermut ataatsimiititaliap kommunalbestyrelsimut innersuussutigissavaa,

kommunimi pilersaarummut nr. 44 tapiliussaq sap.ak. arfinilinni tamanut saqqummiunneqarnissaa akuerineqassasoq.

Aalajangiineq

Ilanngussaq

1. Kommunimi pilersaarummut 44 tapiliussaq titartagartaa ilanngullugu.



Imm. 07 Ukiumut pisassiivimmut 1.1.2012-31.12.2012-mut qilalukkat qaortat 36-t aammalu qilalukkat qernertat 4-t pisassiissutissatut siunnersuutigineqarput

Journalnr. 72.01.01

Tunuliaqutaq

17. november 2011 qilalugartassat agguanneqarnissaanut innersuussutip tusarniutigineqarnera.

Maleruagassatigut tunngavissat

Qilalukkanik qaortanik qernertanillu illersuineq piniarnerlu pillugit Namminersorlutik Oqartussat nalunaarutaat nr. 7, 29.marts 2011-meersoq.

Pissutsit atuuttut

Aalisarnermut, Piniarnermut Nunalerinermullu Naalakkersuisoqarfiup ukiumut pisassiivimmut 2012-mut aqutsiveqarfik Sisimiunut qilalukkat qaortat 26-it aammalu qernertat marluk, aqutsiveqarfik Maniitsumut qilalukkat qaortat 10-it aammalu qernertat marluk agguaaassinissamut pisassiissutissatut 7.november 2011 siunnersuutigineqarput.

Ukioq 2011-mi Aqutsiveqarfik Sisimiuni qilalukkat qaortat arfinillit maannamut pisarineqarsimapput pisassiisut 26-init. Qernertanik pisaqartoqarsimanngilaq.

Ukioq 2011-mut Aqutsiveqarfik Maniitsumi qilalukkat qaortat marluk maannamut pisarineqarsimapput pisassiisut 10-init. Qernertanik pisaqartoqarsimanngilaq.

Allaffeqarfiup naliliinera

Sisimiuni Aalisartut Piniartullu Peqatigiiffiat, Sisimiuni Angallateerarsorlutik Aalisartut Piniartullu Peqatigiiffiat aammalu Sarfannguanit Itillimilu aalisartut piniartullu peqatigiiffii kiisalu Saniatigooralugu Piniartartut Peqatigiiffiat, taamatullu Maniitsumi nunaqarfiinilu aalisartut piniartullu peqatigiiffii kiisalu Maniitsumi saniatigooralugu piniartullu peqatigiiffiat tusarniaavigineqarput.

Tusarniaavigineqartunit Sisimiuni aalisartut piniartullu peqatigiiffiat e-mail-ikkut akivoq kikkunnik pisarineqarnissaat suli isummerfigisinnaanagu suli pisassiisoqanngimmat, siunnersuutigalugulu pisassiisoqariarpat pisarnertut borgmesteri aalajangiinissaa.

Sisimiuni saniatigooralugu piniartartut peqatigiiffiata siunnersuutigaa pisassiivimmi ukiup affaa siulleq inuutissarsiutigalugu aammalu sunngiffimmi piniartartunut paggatassiissutigalugit pisassiissutigineqassasut, ukiullu sinnerani inuutissarsiutigalugu piniartunuinnaq pisassiissutigineqassasut. Siunnersuut akuerineqassanngippat pisassiissutigineqartut 10%-tii sunngiffimmi piniartartunut pisassiissutigineqarnissaat piumasalarugu.

Maniitsumi nunaqarfiinilu aalisartut piniartullu peqatigiiffii pisassiissutissat kikkunnit piniarneqarnissaat pillugu akissuteqanngillat.

Maniitsumi saniatigooralugu piniartartut peqatigiiffiata qilalukkanik qaortamik ataatsimik pisassinneqarnissartik siunnersuutigaat.



Aalisarnermut piniarnermullu siunnersortit innersuussutaat.

Siunnersortit innersuussutigaaat kommunalbestyrelsi siunnersuutininik marlunnik toqqagassinneqassa-soq. Siunnersuutit marluk arlaat kommunalbestyrelsimit toqqarneqassaaq atortussanngortillugu.

Innersuussut

Allaffeqarfiup Kommunalbestyrelsimut innersuussutigaa

A:

1. Sisimiut aqutsivianut pisassiissutigineqartut qilalukkat qaqqortat 26-it aammalu qilalukkat qernertat marluk tamarmik inuutissarsiutigalugu piniarnermut allagartalinnut piniagassanngortinneqassapput.
2. Maniitsup aqutsivianut pisassiissutigineqartut qilalukkat qulit aammalu qilalukkat qernertat marluk tamarmik inuutissarsiutigalugu piniarnermut allagartalinnut piniagassanngortinneqassapput.

Imaluunniit

B:

1. Qilalukkanik qaqqortanik 26-nit Sisimiut aqutsivianut pisassiissutigineqartunit qilalukkat qaqqortat marluk Sisimiuni sunngiffimmi piniartartunut pisassiissutigineqassasut, sinnerilu 24-it qernertallu marluk inuutissarsiutigalugu piniartunut pisassiissutigineqassasut. tamarmik inuutissarsiutigalugu piniarnermut allagartalinnut piniagassanngortinneqassapput.
2. Maniitsup aqutsivianut qilalukkanit 10-nit pisassiissutigineqartunit, qilalugaq qaqqortaq ataaseq Maniitsumi saniatigooralugu piniartartunut pisassiissutigineqassasooq, sinnerilu qaqqortat qulingiluut qernertallu marluk inuutissarsiutigalugu piniartunut piniagassanngortinneqassasut.

Aalajangiineq

Ilanngussa

1. Ukioq pisassiivik 2012-imut qilalukkat qaqqortanut qernertanullu piniarnissamut pisassiissutinik agguaassinissaq pillugu siunnersuummut tusarniaaneq.
2. KANUKOKA-mit e-mail ulloq 17. november 2011-meersoq.
3. Qilalukkanik qaqqortanik qernertanillu illersuineq piniarnerlu pillugit Namminersorlutik Oqartussat nalunaarutaat nr. 7, 29. marts 2011-meersoq.
4. Sisimiuni Saniatigooralugu Piniartut Peqatigiiffiannit akissut 23. nov. 2011-meersoq
5. Maniitsumi saniatigooralugu piniartut peqatigiiffiannit akissut 23. nov. 2011-meersoq.



Imm. 08 Inuussutissarsiutigalugu piniarnermut allagartat pillugit nalunaarutip nutarterneqarnerata tusarniutigineqarnera

Journalnr. 72.00.01

Tunuliaqutaq

Aalisarnermut, Piniarnermut Nunalerinermullu Nalakkersuisoqarfimmit allakkatigut 11. november 2011-meersukkut tusarniutigineqarpoq Inuussutissarsiutigalugu piniarnermut allagartat pillugit Namminersorlutik Oqartussat Nalunaarutaata nutarterneqarnissaa.

Maleruagassatigut tunngavissat

Inuussutissarsiutigalugu piniarnermut allagartat pillugit Namminersornerullutik Oqartussat nalunaarutaat nr. 20, 27. november 2003-meersoq

Pissutsit atuuttut

Nalunaarutissamut siunnersuummi akiliuteqartitsinerup aalajangersaavigineqarnera allanngortin-niarneqarpoq. Nalunaarutissamut siunnersuummi § 2-mi imatut aalangersaasoqarniarpoq: “Piniarnermut allagartanut akiliuteqartitsinermi akigititassap annertussusaa qaammatisiutit ukiuat naallugu Naalakkersuisunut ilaasortamit aalajangersarneqartassaaq, ukioq kingulleq allaffissornikkut ingerlatsinermilu aningaasartuutit tunngavigalugit. Ukiakkut akiliutissap annertussusaa piniarfusup tullia aallartitsinnagu allaganngorlugu nalunaarutigineqassaaq”.

Nalunaarummi maannakut atuuttumi § 7-mi aalajangersagaavoq akiliuteqartitsinermi akigititassaq 50 kr.-iusoq. Aalajangersagaq taanna pearniarneqarpoq nutaatullu ikkunniarneqarpoq Naalakkersuisunut ilaasortamit akiliutissaq ukiakkut aalajangerneqartassasoq ukiup tullissaani atuuttussaq, tassa-nilu angissusiliinermi tunngavigineqartassasoq ukioq kingulleq allaffissornikkut ingerlatsinermilu aningaasartuutit qanoq annertutigisimanerat. Aappaagumut kr. 200,00-imut akiut qaaffanneqassasoq siunnersuutaavoq.

§ 6: Inuussutissarsiutigalugu piniarnermut allagartartaarniarluni qinnuteqarneq:

Inuussutissarsiutigalugu piniarnermut allagartat pillugit Namminersornerullutik Oqartussat nalunaarutaanni nr. 20, 27. november 2003-meersumi (maannakut atuuttumi) § 6-imi aalajangersagaavoq qinnuteqaat nassiunneqartinnagu kommunip najugarisap najukkami aalisartut piniartullu peqatigiif-fiannut tusarniaassutigalugu saqqummiussinnaagaa.

Nalunaarutip nutarternerani taanna peerneqarsimavoq.

Nunaqarfimmi aqutsisut Atammik /Napasog tusarniut ippinnartoqartinnagu tusaatitut tiguaat. Aalisartut piniartullu peqatigiiffiinit Atammimmiut kisimik akissuteqarput. Aalisartut piniartullu peqatigiiffiata inuussutissarsiutigalugu piniarnermut allagartartaarniartunut peqatigiiffiup aqqusaar-neqartarunnaarnissaanut aarleqqutigaa kikkut tamarmik akuerineqartalernissaat, piniakkat killiler-sukkat nalaanni.

§ 11-mi immikkut akuersissuteqartarneq pillugu aalajangersakkat nutaat ikkunniarneqarput. Aalajangersakkat takkua piniarnermut inatsimmeereerput matumanilu Nalunaarummik nutarterinermi ikkunneqassallutik Nalunaarummut.

Taamaalillugu Inuussutissarsiuutigalugu piniarnermut allagartat pillugit Namminersornerullutik Oqartussat nalunaarutaanni nr. 20, 27. november 2003-meersumi (maannakkut atuuttumi) § 4 tunngavigalugu immikkut akuersissummik qinnuteqartoqartillugu piffimmi aalisartut piniartullu peqatigiiffiannik tusarniaasinnaanermik periarfissaq matumani Nalunaarummi nutaassami pearniarneqarpoq. Nutaamik ikkunniarneqarput aalajangersakkat immikkut akuersissummik qinnuteqartoqartillugu aalajangiinermi tunngavigineqartartussaasut. (takuuk siunnersuummi § 11, imm. 2, nr. 1-4).

Allaffeqarfiup naliliinera

§ 2-mi allagartamut akiliutasartup aalajangersaaffigineqarnerani akiliutaasartup annertussusilerneqartarnera suut tunngavigalugit aalajangerneqartarnissaa malittarisassatigut tunngavilerneqarpoq.

Piniarnermut allagartanut akiliuteqartitsinermi akigititassap annertussutaata ukioq kingulleq allaffissornikkut ingerlatsinermilu aningaasartuutit tunngavigalugit Namminersorlutik Oqartussanit angissusilerneqartarnissaa matumani sunniunneqarpoq. Tassunga atatillugu Allaffeqarfiup nalilerpaa aamma paaserusunnassasoq piniarnermut allagartanik qinnuteqaatit suliarinerinut allaffissornikkut ingerlatsinermilu kommuni qanoq annertutigisumik aningaasartuuteqartarnersoq.

Allaffeqarfiup nalilerpaa immikkut ittumik akuerineqarnissamik qinnuteqartoqartillugu siunnersuummi § 11-mi piunasaqaatit pillugit paasissutissat katersornissaat allaffissornikkut annertuumik kinguneqarnavianngitsoq, tassami aalisartut piniartullu peqatigiiffii tusarniarneqartarunnaartussaammata. Aalisartut piniartullu peqatigiiffiinit matumani tusarniarneqartunit ataasiinnaq akissuteqarmat erseqqissumik oqaatigiuminaappoq taakkua tusarniarneqartussaannerminnik aalajangersakkap peerneqarnissaa qanoq isumaqarfigineraat.

Nalunaarummi maannakkut atuuttumi nutaassamilu § 6-imi aalajangersarneqarpoq piunasaqaatinik naammassinninngitsoqartillugu itigartitsinermik kommuni qinnuteqartumut nalunaaruteqartussaati-taasoq itigartitsinerullu assilineranik Naalakkersuisoqarfik nassillugu.

Qinnuteqaammik akuersisoqartillugu tamanna Naalakkersuisoqarfimmit suliarineqartarpoq piniarnermut allagartassanik qinnuteqartoq Naalakkersuisoqarfimmit nassinneqartarmat. Namminersorlutik Oqartussat aamma kommunit akornanni suliaassanik taamatut aaqqiisinnaaneq piniarnermut inatsimmi periarfissaavoq, taamaattorli uani Nalunaarummi allaffeqarfiup amigaataasutut nalilerpaa kommunip itigartitsilluni aalajangiinerani qinnuteqartup naammagittaalliorsinnaanerani sumullu naammagittaalliorsinnaanerani aalajangersaasoqanngimmat. Taamaallaat § 6, imm. 2-mi allaqqavoq itigartitsinermi kommunip nalunaaruteqarnerata assilineranik Aalisarnermut, Piniarnermut Nunalerinermullu Naalakkersuisoqarfimmut nassinneqassasoq. Allaffeqarfiup nalilerpaa kommuni qinnuteqaatinik aalajangiisnaatitaassappat Nalunaarummi erseqqissarneqartariaqartoq itigartitsineq sumut naammagittaalliutigineqarsinnaanersoq. Apeqquserneqarsinnaavoq kommunip allaffissornikkut aalajangigaa kommunip iluani ingerlateqqinneqassanersoq kommunalbestyrelsemut naammagittaalliutigalugu imaluunniit kommunip allaffissornikkut aalajangiinera Aalisarnermut, Piniarnermut Nunalerinermullu Naalakkersuisoqarfimmut naammagittaalliutigineqarsinnaanissaa Nalunaarummi nutaassami aalajangersarneqassanersoq. Allaffeqarfiup nalilerpaa siunnersuutigineqassasoq kommunip allaffissornikkut aalajangiineri Aalisarnermut, Piniarnermut Nunalerinermullu Naalakkersuisoqarfimmut naammaagittaalliutigineqarsinnaanissaat Nalunaarutissami aalajangerneqassasoq.



Innersuussut

Allaffeqarfiup innersuussutigivaa:

- 1) Qaammammum akiliutissap kr. 200,00-inut qaffanniarneqarnerata itigartitsissutigineqassasoq paasiniaqqaarneqartariaqarmat allaffissornikkut qanoq annertutigisumik aningaasartuutaanera qulaajarnissaa
- 2) inuussutissarsiuutigalugu piniarnermik allagartamik qinnuteqaammum itigartitsisoqartillugu aalajangiinerit pillugit naammagittaalliornissamut periarfissat Nalunaarutissami nuutaami aalajangersaaffigineqarnissaat kissaatigineqassasoq.

Aalajangiineq

Ilanngussat

1. Inuussutissarsiuutigalugu piniarnermut allagartat pillugit nalunaarutip nutarterneqarnera pillugu tusarniaanermi allagaqaat 11. november 2011-meersoq aammalu Inuussutissarsiuutigalugu piniarnermut allagartat pillugit Namminersorlutik Oqartussat nalunaarutissamut nr. xx, xx. yyy 2011-meersumut siunnersuut.
2. Inuussutissarsiuutigalugu piniarnermut allagartat pillugit Namminersornerullutik oqartussat Nalunaarutaat nr. 27, 27. november 2003-meersoq
3. Napasoq/Atammimmi Aqutsisut siulittaasuata allagai aammalu Atammimmi aalisartut piniartullu peqatigiiffiata tusarniaanermut akissuteqaataa 25.november 2011-meersoq
4. Piniarnermut allagartamut akiliutissap annertussusissaa pillugu Aalisarnermut, Piniarnermut Nunalerinermullu Naalakkersuisoqarfiup allagaa 28. november 2011-meersoq.



Imm. 09 Aningaasaqarnermut ataatsimiititaliap kommunalbestyrelsillu 2012-imi ataatsimiiffissaannut siunnersuut

Journalnr. 01.01.01

Aningaasaqarnermut ataatsimiititaliap kommunalbestyrelsillu 2012-imi ataatsimiiffissaannut siunnersuut.

Allamik nalunaartoqarsimatinnagu ataatsimiinnerit tamarmik nal 8:30 aallartittassapput oqarasuaatikku/videokonferenciluunniit atorlugu ingerlanneqartassallutik.

Aningaasaqarnermut ataatsimiititaliap	Kommunalbestyrelsi
14. februar	28. februar
13. marts	
17. april	26. april – 2011-mut naatsorsuutit akuerineri.
15. maj	
5. juni	14. juni
14. august	23. august Maniitsumi ingerlanneqassaaq*)
18. september – missingersuutit siullermeernerit	27. september – 2013-imut missingersuutit siullermeernerit.
16. oktober – missingersuutit aappassaannernerit	25. oktober – 2013-imut missingersuutit aappassaannernerit.
27. november	6. december
	*) Pisussat allat
	22. august - 2013-imut missingersuutit pillugit isumasioqatigiinneq. Maniitsumi ingerlanneqassaaq

Aningaasaqarnermut ataatsimiititaliami suliaq suliarinera

Aningaasaqarnermut ataatsimiititaliap decembarip 2-ani 2011-mi ataatsimiinnermini suliaq suliarivaa.

Innersuussut

Aningaasaqarnermut ataatsimiititaliap innersuussutigissavaa, ataatsimiiffisat siuliani taaneqartut kommunalbestyrelsip akuersissutigissagai.

Aalajangiineq

Ilanngussaq

1. 2012-imut ullorsiuutit

Imm. 10 Tamalaat

